



اُنْوَاسِيَّتِي تَتَكُونُ لَوِ كِي مَارَا
UNIVERSITI
TEKNOLOGI
MARA

Akademi

Pengajian Islam
Kontemporari

GARIS PANDUAN UNTUK PELAJAR
AKADEMI PENGAJIAN ISLAM
KONTEMPORARI (ACIS) DAN PELAJAR
FAKULTI LAIN YANG MENGAMBIL
KURSUS MPU DAN ELEKTIF DI BAWAH
ACIS
BERKENAAN
PENGAJARAN & PEMBELAJARAN
SEPANJANG SESI MAC- JULAI 2020

PELAKSANAAN AKTIVITI PENGAJARAN & PEMBELAJARAN, PENILAIAN, LATIHAN INDUSTRI (LI), PROJEK TAHUN AKHIR (FYP) DAN PASCA SISWAZAH

Bagi **PELAJAR ACIS** yang mengambil program

SARJANA MUDA MUAMALAT (KEPUJIAN) (IC210)

SARJANA MUDA PENGURUSAN INDUSTRI HALAL (KEPUJIAN) (IC220)

DIPLOMA PENGURUSAN HALAL (IC120)

DIPLOMA MUAMALAT (IC110)

&

PELAJAR FAKULTI LAIN yang mengambil

KURSUS MPU (IJAZAH & DIPLOMA)

KURSUS MINOR DAN ELEKTIF

**DI BAWAH
AKADEMI PENGAJIAN ISLAM KONTEMPORARI (ACIS)**

SHAH ALAM DAN CAWANGAN

9 APRIL 2020

Disediakan oleh:

Prof Madya Dr Nurhidayah Muhammad Hashim (Dekan ACIS)

Dr Amal Hayati Ishak (TDA ACIS)

Prof Madya Dr Huzaimah Ismail

Dr Kamariah Yusuf

Dr Hajar Opir

ISI KANDUNGAN

Bil		mukasurat
1.0	TUJUAN	5
2.0	LATAR BELAKANG	5
3.0	PELAKSANAAN P&P KEPADA PELAJAR ACIS	6
4.0	KAEDAH P&P DAN PENILAIAN	8
5.0	PROJEK TAHUN AKHIR (FYP) BAGI PELAJAR ACIS	9
6.0	LATIHAN INDUSTRI (LI) BAGI PELAJAR ACIS	10
7.0	PENILAIAN KURSUS ACIS DAN KURSUS MPU & ELEKTIF	11
8.0	PROGRAM PASCA	12
9.0	PENUTUP	12
10.0	SOALAN LAZIM	13

1.0 TUJUAN

Garis panduan ini dibangunkan untuk membantu SEMUA PELAJAR AKADEMI AKADEMI PENGAJIAN ISLAM KONTEMPORARI (ACIS) di Shah Alam dan Cawangan memahami tentang pelaksanaan aktiviti Pengajaran & Pembelajaran (P&P), Penilaian, Latihan Industri (LI), Projek Tahun Akhir (FYP) dan Pasca Siswazah sepanjang semester Mac – Julai 2020. Ia juga bertujuan membantu semua pelajar daripada Fakulti lain yang terlibat mengambil kursus MPU & ELEKTIF di bawah ACIS sama ada di Shah Alam atau Cawangan.

2.0 LATAR BELAKANG

Penularan wabak COVID-19 di seluruh dunia dan Perintah Kawalan Pergerakan (PKP) memerlukan pihak UiTM amnya dan ACIS khususnya merancang penyampaian pengajaran dan pembelajaran serta penilaian yang sesuai, wajar dan berkesan kepada pelajar. Garis panduan ini adalah berpandukan kepada:

- 2.1 Pelaksanaan Perintah Kawalan Pergerakan mulai 18 Mac hingga 31 Mac 2020 di seluruh negara (Perutusan YB Perdana Menteri, 16 Mac 2020).
- 2.2 Pelaksanaan Perintah Kawalan Pergerakan dilanjutkan sehingga 14 April 2020 (Perutusan YB Perdana Menteri, 26 Mac 2020) atau tertakluk kepada sebarang perubahan.
- 2.3 Pekeliling Naib Canselor (Bil. 08, 2020 bertarikh 25 Mac)
- 2.4 Pekeliling Timabalan Naib Canselor (TNCAA) (Bil. 01, 2020 bertarikh 25 Mac).
- 2.5 Kalendar akademik terkini: Pindaan Kalendar Akademik Sessi II 2019/2020 yang dikeluarkan oleh pihak HEA UiTM pada 20 Mac 2020.
- 2.6 Kenyataan Media Kementerian Pengajian Tinggi: Pengendalian Program Akademik Di Universiti Awam (UA) dan Institusi Pengajian Tinggi Swasta (IPTS) yang dikeluarkan oleh pihak KPT pada 28 Mac 2020.
- 2.7 Panduan Pengendalian Program Pendidikan Tinggi Semasa dan Pasca Perintah Kawalan Pergerakan Covid-19 yang dikeluarkan oleh pihak MQA pada 29 Mac 2020.

- 2.8 Pekeliling Naib Cancellor (Bil. 09, 2020 bertarikh 1 April 2020)
- 2.9 Pindaan Kalendar Akademik Bagi Sesi II 2019/2020 Mac – Julai 2020 yang dikeluarkan pada 3 April 2020.
- 2.10 Mesyuarat Jawatankuasa Akademik Fakulti (JAF) ACIS pada 30 Mac 2020.
- 2.11 Keputusan Mesyuarat Senat pada 3 April 2020.

3.0 PELAKSANAAN PENGAJARAN DAN PEMBELAJARAN (P&P) KEPADA PELAJAR ACIS

- 3.1 Pelajar ACIS perlu meneruskan pengajian semester ini dan pergerakan pelajar setelah tempoh PKP dikurangkan sehingga penularan wabak COVID-19 benar-benar pulih sepenuhnya.
- 3.2 Semua proses Pengajaran & Pembelajaran (P&P) serta Penilaian untuk pelajar ACIS akan diteruskan oleh semua pensyarah.
- 3.3 Semua pelajar ACIS perlu bersedia untuk menerima pelaksanaan baru dalam aktiviti P&P termasuklah kuliah, perbincangan, Projek Tahun Akhir (FYP) dan lain-lain yang berkaitan.
- 3.4 Tempoh keseluruhan semester ini dipanjangkan kepada maksima 22 minggu.
- 3.5 Sepanjang semester ini, semua P&P dan Penilaian bagi semua pelajar ACIS adalah secara **BERTERUSAN** menggunakan kaedah *Open and Distance Learning* (ODL) dan **TIADA PEPERIKSAAN AKHIR**.
- 3.6 Tempoh terlibat adalah sesi ***Kuliah 2*** dan ***Kuliah 3a*** iaitu dari 13 April sehingga 21 Julai 2020 mengikut kalendar akademik terbaharu.
- 3.7 Ini bermakna semua pelajar ACIS akan belajar, berhubung dengan pensyarah, membuat assignment, kuiz dan sebagainya dalam tempoh tersebut sahaja secara atas talian.
- 3.8 Sepanjang semester ini, pelajar ACIS akan berada di rumah masing-masing, di kolej kediaman dalam UiTM atau di rumah sewa di luar UiTM bagi pelajar *Non Resident* (NR) dan meneruskan P&P secara ODL. Walaupun setelah tamat tempoh Perintah Kawalan Pergerakan (PKP) yang dilaksanakan oleh Kerajaan Malaysia, pelajar ACIS tidak

dibenarkan untuk masuk ke kampus tanpa kebenaran **KHAS** daripada Timbalan Naib Canselor (A&A)/Timbalan Naib Canselor HEP kecuali pelajar yang terlibat dalam sesi kuliah 3b.

**PENGAWALAN WABAK COVID19 :
PINDAAN KALENDAR AKADEMIK BAGI SESI II DAN SESI III 2019/2020**

AKTIVITI PERKULIAHAN SESI II 2019/2020 Mac – Julai 2020 Program Pra Diploma/Diploma/Sarjana Muda/ Sarjana/Doktor Falsafah			
AKTIVITI	TARIKH LAMA	TARIKH BAHARU	TEMPOH BAHARU
Kuliah 1	24 Februari – 5 April 2020 *24 Februari – 4 April 2020	24 Februari – 17 Mac 2020 *24 Februari – 17 Mac 2020	4 Minggu
Proses Entrance Survey	24 Februari – 23 Mac 2020	24 Februari – 23 Mac 2020	4 Minggu
Pengawalan Wabak COVID19	-	18 Mac 2020 – 12 April 2020	4 Minggu
Cuti Pertengahan Semester	6 – 12 April 2020 *5 – 11 April 2020	1 – 12 April 2020	2 Minggu
Kuliah 2	13 April – 24 Mei 2020 *12 April – 23 Mei 2020	13 April – 24 Mei 2020 *13 April – 23 Mei 2020	6 Minggu
Tarikh Akhir Lanjutan PKP		14 April 2020 (tertakluk kepada perubahan)	-
Cuti Khas Perayaan	25 Mei – 7 Jun 2020 *24 Mei – 6 Jun 2020 (Eid Fitri: 25 – 26 Mei 2020) (Pesta Keamatan: 30 – 31 Mei 2020) (Gawai: 1 – 2 Jun 2020)	25 Mei – 3 Jun 2020 *24 Mei – 3 Jun 2020 (Eid Fitri: 25 – 26 Mei 2020) (Pesta Keamatan: 30 – 31 Mei 2020) (Gawai: 1 – 2 Jun 2020)	10 Hari
Kuliah 3a	8 – 21 Jun 2020 *7 – 20 Jun 2020	4 Jun – 1 Julai 2020	4 Minggu
Student Feedback Online (SuFO)	4 Mei – 28 Jun 2020	4 Jun – 4 Julai 2020	5 Minggu
Proses Exit Survey	18 Mei – 28 Jun 2020	18 Jun – 9 Ogos 2020	3 Minggu
Minggu Ulangkaji	22 – 28 Jun 2020 *21 – 28 Jun 2020	2 – 4 Julai 2020	3 Hari
Peperiksaan Akhir	29 Jun – 19 Julai 2020	-	-
Tarikh Akhir Penilaian Berterusan	-	21 Julai 2020	-
Cuti Semester	21 Julai – 6 September 2020	22 Julai – 11 Oktober 2020 (tertakluk kepada pembelajaran dan pengajaran kursus berkaitan)	12 Minggu
Kuliah 3b (bagi kursus yang berkaitan sahaja)	-	4 Jun – 9 Ogos 2020	10 Minggu
English Exit Test (Speaking)	22 – 25 Jun 2020	10 – 13 Ogos 2020	4 hari
English Exit Test (Writing)	29 Jun 2020	17 Ogos 2020	-
Tarikh Akhir Penilaian Berterusan (bagi kursus yang berkaitan sahaja)	-	23 Ogos 2020	-

*untuk negeri Kedah/Kelantan/Terengganu/Johor sahaja

- 3.9 Dalam kes tertentu, ada pelajar boleh dipanggil balik ke kampus dengan kebenaran universiti untuk menghadiri kelas secara bersemuka (face to face). Mereka akan belajar mengikut ***Kuliah 3b***. Ini melibatkan pelajar yang perlu ke makmal dan juga pelajar yang kategori B40 dan tidak mempunyai akses internet langsung.
- 3.10 Bagi pelajar ACIS yang berada jauh di pedalaman mungkin perlu menggunakan kaedah Kuliah 3b ini. Sekiranya mereka dipanggil balik, maka mereka akan berada dalam kampus dan meneruskan P&P secara ODL bersama pensyarah di kampus tersebut.

4.0 KAEDAH P&P KEPADA PELAJAR ACIS DAN SEMUA PELAJAR FAKULTI LAIN YANG MENGAMBIL KURSUS MPU & ELEKTIF DI BAWAH ACIS

- 4.1 Semua P&P akan dilaksanakan melalui Open and Distance Learning (ODL), dan **TIDAK** menerusi kaedah bersemuka.
- 4.2 Pelajar boleh menggunakan alat komunikasi seperti komputer riba, komputer desktop atau telefon bimbit (*mobile phone*).
- 4.3 Semua aktiviti P&P akan dibuat menggunakan aplikasi yang mudah diakses oleh para pelajar dan menggunakan data yang rendah seperti *ilearn, pdf, email, WhatsApp, Telegram, uFuture, Google Meet* dan lain-lain. Pensyarah akan berbincang dengan pelajar aplikasi mana yang dapat diakses oleh semua pelajar.
- 4.4 Antara cara yang pensyarah akan gunakan untuk membantu pelajar adalah pensyarah akan merakam suara untuk bab yang akan diajar dan mengirimkannya kepada pelajar beberapa hari sebelum kuliah. Pelajar boleh mendengarnya berulang kali mengikut masa yang sesuai bagi pelajar.
- 4.5 Untuk memastikan perjalanan sesi bersama pelajar berjalan baik dan tidak mengganggu sesi pensyarah yang lain, semasa waktu kuliah (seperti dalam jadual), semua pelajar perlu bersedia dan pensyarah akan mengambil kehadiran pelajar.
- 4.6 Contohnya, Pensyarah Dr Hapiz mempunyai kelas IMU601 pada hari Rabu 8.00-11.00 am (mengikut jadual), maka Dr Hapiz akan menghantar rakaman beberapa hari lebih awal melalui *whatsapp* dan meminta semua pelajar mendengarnya dan bersedia pada waktu kelas untuk berkumpul mengikut kumpulan whatsapp kelas untuk pelajar

bertanyakan soalan, menjawab soalan ringkas dan pensyarah memeriksa kehadiran pelajar.

- 4.7 Bagi pelajar fakulti lain yang mengambil kursus MPU seperti CTU552 dan sebagainya, pelaksanaannya juga adalah sama. Contohnya, Ustazah Azizah mengajar kursus CTU552 pada hari Rabu 8.00-10.00 am (mengikut jadual) bersama pelajar Fakulti Sains Gunaan, maka semua ahli kumpulan akan dihubungi dan perlu berada dalam kumpulan *whatsapp* yang sama. Ustazah Azizah akan memberitahu apa yang perlu dilakukan dan memastikan pengajaran sampai kepada semua pelajar di dalam kelasnya.
- 4.8 Jika ada pelajar fakulti lain yang masih keliru tentang kumpulannya, maka perlu menghubungi Pegawai di Pejabat Akademik fakulti masing-masing.
- 4.9 Pelajar diharap tidak risau tentang kemungkinan silabus tidak berjaya dihabiskan kerana menggunakan kaedah ODL ini. Ini kerana semua pensyarah akan berusaha sebaik mungkin untuk membantu pelajar mendapat ilmu dan Hasil Pembelajaran Kursus (Course Learning Outcome – CLO) akan dapat dicapai.
- 4.10 Sekiranya pelajar tiada langsung akses internet, pelajar boleh hubungi pensyarah yang mengajar subjek yang terlibat (usahakan menggunakan apa cara yang sesuai) dan membuat permohonan agar bantuan nota atau bahan pengajaran subjek terlibat dapat dihantar. Perbincangan dengan pensyarah terlibat adalah perlu dibuat.
- 4.11 Bagi pelajar ACIS, anda boleh menghubungi Penolong Pendaftar (Akademik) ACIS Shah Alam iaitu **Cik Suraiya Abd Majid** secara atas talian di nombor **016-304 6102** sekiranya mempunyai sebarang masalah berkaitan pendaftaran kursus akademik.

5.0 PROJEK TAHUN AKHIR (FYP) BAGI PELAJAR ACIS

- 5.1 Projek tahun Akhir (FYP) bagi pelajar ACIS akan tetap diteruskan pada semester ini. Pelajar perlu menghubungi Penyelia dan semua perbincangan dengan Penyelia FYP perlu diteruskan secara atas talian.
- 5.2 Pelajar perlu mendapat nasihat Penyelia supaya kajian dibuat mengambilkira keadaan PKP dan menggunakan metod bersesuaian. Jika perlu menggunakan kaedah kaji selidik, hendaklah dilaksanakan secara atas talian seperti menggunakan *google form* dan sebagainya.

- 5.3 Pembentangan hasil FYP juga perlu dibuat secara atas talian dengan persetujuan penyelia, pemeriksa dan pelajar terlibat untuk mencari jalan bagaimana pembentangan dapat dijalankan.
- 5.4 Penyelia akan memberitahu pelajar kaedah pembentangan yang sesuai, seperti pelajar merakam video berserta poster atau powerpoint dan mengirimbkannya kepada panel penilai melalui emel, *Whatsapp*, *Telegram* atau mana-mana platform yang dirasakan sesuai dengan akses pelajar.
- 5.5 Laporan FYP perlu dihantar melalui emel mengikut tarikh yang akan ditentukan oleh koordinator FYP. Sekiranya pelajar ACIS yang terlibat mempunyai masalah berkaitan LI/FYP, anda boleh menghubungi Koordinator LI/FYP ACIS Shah Alam iaitu **Ustaz Solahudin** secara atas talian di nombor **013-628 8776**.

6.0 LATIHAN INDUSTRI (LI) BAGI PELAJAR ACIS

- 6.1 Jika mengikut jadual biasa, tempoh LI di ACIS adalah 16 minggu: daripada 27 Januari 2020 hingga 15 Mei 2020.
- 6.2 Sepanjang PKP ini, ada pelajar LI yang diminta oleh Majikan untuk terus bertugas atas dasar 'essential services,' ada juga yang bekerja dari rumah (*Work From Home*) (WFH) dan ada yang berada di rumah menunggu untuk menyambung balik LI mereka selepas tempoh PKP.
- 6.3 Mengambil kira keadaan semasa dan dengan merujuk kepada garis panduan MQA, kaedah penilaian untuk pelajar ACIS yang sedang menjalani LI semester ini adalah seperti berikut:
 - 6.3.1 Pelajar yang telah mencapai 70% kehadiran daripada keseluruhan tempoh LI dikira berjaya menyempurnakan LI. Ia bermakna pelajar telah hadir ke tempat LI selama 11 minggu.
 - 6.3.2 Pelajar yang tidak mencapai 70% kehadiran, dikehendaki menyempurnakan LI dengan menyiapkan satu kajian topikal yang berfokus kepada bidang pengajian dan diselia oleh Penasihat LI yang telah dilantik.
- 6.4 Sekiranya ada pelajar ACIS Shah Alam mempunyai masalah berkaitan LI/FYP, anda boleh menghubungi Koordinator LI/FYP iaitu **Ustaz Solahudin** secara atas talian di nombor **013-628 8776**.

7.0 PENILAIAN KURSUS ACIS DAN KURSUS MPU & ELEKTIF

- 7.1 **TIADA** Peperiksaan Akhir (*Final Examination*) akan dijalankan bagi semua kursus ACIS.
- 7.2 Kursus MPU dan Elektif yang sebelum ini berada dalam kaedah Penilaian Berterusan (*Continuous Assessment*) dan TIADA Peperiksaan Akhir adalah diteruskan.
- 7.3 Manun begitu, mengikut Pekeliling TNCAA (Bil. 01,2020 bertarikh 25 Mac), semua kursus akan mempunyai tidak lebih daripada 4 penilaian sahaja.
- 7.4 Untuk semester ini, secara umumnya semua penilaian kursus ACIS dan kursus MPU & ELEKTIF adalah seperti di bawah. Namun begitu semua pelajar perlu mendapat maklumat terperinci daripada pensyarah masing-masing tentang bila tugas dan isi kandungan yang terlibat yang akan diberikan kepada pelajar.

TUGASAN	KAEDAH	MARKAH
Tugasan 1	Hafazan/Kuiz	20
Tugasan 2	Projek Berkumpulan	20
Tugasan 3	<i>Open Book Test</i>	30
Tugasan 4	Analisa Ayat Al-Quran/ Analisa Hadis/ <i>Article Review/ Journal Review / Case Study</i>	30
TOTAL		100

- 7.5 Sebagai pelajar, anda bertanggungjawab untuk mendapatkan maklumat dan info penting berkaitan kursus yang diambil. Anda juga berhak untuk mendapat tahu bagaimana pengajaran, pembelajaran dan penilaian dibuat terhadap pelajar. Semua kaedah penilaian adalah jelas dan telus.
- 7.6 Pensyarah akan memberitahu dalam kuliah secara ODL atau apa cara yang sesuai tentang bagaimana dan bila penilaian akan dibuat.
- 7.7 Tugas-tugas ini akan dijalankan secara berjadual supaya pelajar tidak terbeban dengan lambakan tugas dalam sesuatu masa.
- 7.8 Semua pelajar perlu memberi kerjasama kepada pensyarah yang mengajar kursus anda dengan membalas mesej, menghubungi

pensyarah apabila perlu dan berada dalam kumpulan *whatsapp* yang dibina. Contohnya kelas anda bersama Ustaz Yusra adalah jam 8.00-1000 pagi hari Isnin, maka anda perlu bersedia kerana ia melibatkan kehadiran anda yang akan direkodkan. Ini kerana semua kelas yang dijalankan, pensyarah perlu *screen shot* sebarang bukti komunikasi antara pelajar dan pensyarah untuk tujuan rekod, keperluan audit dan keperluan fakulti.

- 7.9 Semua pelajar perlu mengambil tahu tentang tanggungjawab menjaga sahsiah dan nilai mulia sepanjang masa serta berusaha mematuhi peraturan. Apabila membuat *assignment* individu atau berkumpulan yang memerlukan rujukan, pencarian data dan penulisan artikel ilmiah (yang akan diberitahu oleh pensyarah), pelajar perlu mengemukakan laporan Turnitin yang mestilah kurang daripada 30% indeks kesamaan.
- 7.10 Dalam laporan ilmiah, penulisan FYP pelajar ACIS dan mana-mana tugas yang berkaitan, pelajar perlu mempraktikkan nilai integriti dengan meletakkan pernyataan berikut beserta tandatangan.

“Saya dengan ini membuat perakuan bahawa pada setiap masa semua hasil tugas yang saya serahkan adalah hasil kerja saya sendiri, tidak meniru dan plagiat daripada mana-mana sumber, atau mencuba untuk meniru mana-mana pihak tanpa meletakkan sitasi yang sepatutnya. Saya sedar bahawa mana-mana pelajar yang melanggar atau disyaki melanggar perakuan yang dibuat boleh dibawa kepada Jawatankuasa Tatatertib Fakulti.”

8.0 PROGRAM PASCA ACIS

Semua pelajar Pasca perlu meneruskan kajian dan melakukan kajian seperti biasa sepanjang semester ini. Semua perbincangan dan urusan mendapatkan nasihat penyelia hendaklah dilakukan secara atas talian. Aktiviti dan pelaksanaan lain adalah tertakluk kepada garis panduan yang telah ditetapkan oleh pihak IPSis.

9.0 PENUTUP

Berhadapan dengan wabak COVID 19 dan PKP ini merupakan suatu cabaran dan situasi baharu kepada kita semua. Pihak UiTM telah berusaha sedaya upaya untuk memastikan proses Pengajaran & Pembelajaran serta Penilaian pelajar UiTM dapat diteruskan seperti biasa secara ODL. Ini bertujuan supaya pelajar tidak perlu menanggung semester sehingga memberi kesan kepada pelan pengajian pelajar. Justeru, semua pelajar yang mengambil program ACIS dan juga semua pelajar yang mengambil kursus MPU & ELEKTIF di bawah ACIS diminta untuk memberi kerjasama, menyokong dan berusaha menjayakan usaha ini demi kebaikan bersama.

10.0 SOALAN LAZIM

BIL.	SOALAN	JAWAPAN
1.	Mengapakah berlaku perubahan pada Kalendar Akademik UiTM untuk sesi ini?	<p>Perubahan ini berlaku atas saranan Kementerian Pengajian Tinggi (KPT) setelah mengambil kira perkembangan semasa pandemik COVID-19.</p> <p>KPT memberi peluang kepada setiap IPT untuk merancang perjalanan dan jadual aktiviti akademik agar keselamatan dan kesejahteraan semua warga IPT diberi perhatian yang sewajarnya.</p> <p>Pada masa yang sama, KPT juga mengambil maklum akan isu kesediaan IPT dan para pelajar dalam melaksanakan pengajaran dan pembelajaran menggunakan pelbagai kaedah termasuk atas talian dan ODL.</p>
2.	Bilakah Semester Satu, Sesi 2020/2021 akan bermula?	Semester baru untuk pelajar lama (<i>returning students</i>) dan kemasukan pelajar baru (<i>new students</i>) akan bermula pada 12 Oktober 2020.
3.	Apakah pilihan pelaksanaan P&P di ACIS, merujuk kepada pindaan Kalendar Akademik UiTM yang baharu?	<p>Tempoh keseluruhan pembelajaran semester ini dipanjangkan kepada maksimum 22 minggu.</p> <p>Secara asasnya, ACIS akan melaksanakan P&P sepenuhnya secara ODL dalam tempoh sesi Kuliah 2 dan Kuliah 3a iaitu dari 13 April sehingga 21 Julai 2020 mengikut kalender akademik terbaharu. Manakala semua urusan pentaksiran perlu selesai sebelum atau pada 21 Julai 2020.</p> <p>Dalam kes tertentu, kursus-kursus yang memerlukan Kuliah 3b di mana melibatkan pelajar kategori B40 dan tidak mempunyai akses internet langsung, maka pelajar boleh dipanggil balik ke kampus dengan kebenaran universiti bermula 4 Jun 2020 dan proses P&P dan pentaksiran mereka diusahakan bersama pensyarah masing-masing.</p>

4.	Bolehkah saya balik ke hostel atau ke Bangunan ACIS untuk aktiviti pengajaran dan pembelajaran secara <i>face-to-face</i> selepas PKP 14 April 2020?	Tidak boleh. Semua berjalan secara ODL sehingga tamat semester
5.	Adakah saya perlu mengikut jadual waktu kuliah yang sama dari awal semester ketika PKP ini dan selepas PKP?	<p>Walaupun P&P bersifat anjal tapi pelajar dan pensyarah wajar berusaha berkumpul mengikut jadual tetapi menggunakan kaedah low tech seperti Whatsapp, telegram dan lain-lain.</p> <p>Pensyarah mungkin akan mengiriskan rakaman suaranya pada hari sebelumnya dan pelajar mendengar dan berusaha memahaminya, jadi semasa waktu kuliah, pelajar boleh bertanya soalan dalam whatsapp dan berbincang dengan pelajar lain dan juga pensyarah.</p> <p>Pengajaran tidak semestinya berbentuk <i>video conference</i> kerana ianya memerlukan keperluan data capaian internet yang tinggi.</p>
6.	Mengapakah Peperiksaan Akhir tidak dijalankan pada semester ini?	<p>Semester ini penuh dengan cabaran, keadaan yang sukar serta di luar jangkaan, khususnya kepada proses pembelajaran para pelajar.</p> <p>Oleh kerana wabak COVID 19 tidak diketahui bila berakhir, maka UiTM mengambil langkah ini untuk mengolah semua penilaian dibuat secara penilaian berterusan iaitu 100% kerja kursus.</p>
7.	Untuk Projek Tahun Akhir II (FYP), adakah diteruskan? Bagaimana pelajar nak mendapat nasihat daripada penyelia? Dan perlukah dibentangkan hasil kajian FYP?	<p>Ya.</p> <p>Pelajar dan penyelia perlu berbincang secara atas talian secara berkala dan metod kajian harus disesuaikan seperti menggunakan kaji selidik secara atas talian dan sebagainya.</p> <p>Kaedah pembentangan FYP juga boleh diubah mengikut keadaan semasa. Antaranya, para pelajar boleh merakam video</p>

		<p>untuk dihantar secara atas talian kepada panel penilai.</p> <p>Sesi pembentangan juga boleh diadakan melalui applikasi atas talian seperti <i>Whatsapp</i>, <i>Telegram</i> atau mana-mana platform yang dirasakan sesuai dengan akses pelajar. Laporan FYP boleh dihantar melalui emel mengikut tarikh yang akan ditentukan oleh koordinator FYP.</p>
8.	<p>Bagaimana dengan Latihan Industri para pelajar semester ini? Apakah pelajar dianggap lulus walaupun tidak menghabiskan 16 minggu LI?</p>	<p>ACIS berpandukan kepada garis panduan MQA di mana pelajar yang telah mencapai 70% kehadiran daripada keseluruhan tempoh LI dikira berjaya menyempurnakan LI. Ia bermakna pelajar telah hadir ke tempat LI selama 11 minggu selepas tempoh bermula.</p> <p>Dan pelajar yang tidak mencapai 70% kehadiran boleh disempurnakan dengan menyiapkan satu kajian topikal yang berfokus kepada bidang pengajian dan diselia oleh Penasihat LI yang telah dilantik.</p>
12.	<p>Adakah kursus-kursus bukan daripada ACIS tertakluk kepada perubahan ini?</p>	<p>Ya.</p> <p>Semua kursus yang diambil oleh setiap pelajar ACIS daripada fakulti lain seperti kursus Bahasa daripada APB pada semester ini turut dijalankan secara atas talian. Pelajar ACIS perlu berusaha mendapatkan info berkaitan kursus tersebut.</p>
13.	<p>Adakah semua pensyarah juga perlu berada di rumah selepas PKP (MCO) tamat pada 14 April 2020 nanti?</p> <p>Bolehkah pelajar ingin berjumpa dengan pensyarah di kampus?</p>	<p>Staf UiTM, samada pentadbiran, pelaksana atau akademik, adalah tertakluk kepada pekeliling yang dikeluarkan oleh Naib Canselor dan peraturan perkhidmatan awam semasa.</p> <p>Sekiranya keadaan mengizinkan dan dibenarkan oleh Kerajaan dan Universiti, pensyarah mungkin boleh masuk kerja dan berada di fakulti.</p> <p>Tetapi pelajar tidak boleh datang berjumpa dengan pensyarah di kampus untuk P&P</p>

		<p>kerana semua perbincangan antara pelajar dan pensyarah hendaklah dilakukan secara atas talian.</p> <p>Pergerakan pelajar hendaklah dijaga sehingga wabak COVID 19 benar-benar pulih.</p>
14.	<p>Mengapakan Kuliah 2 UiTM bermula pada 13 April 2020; tidak pada 27 April 2020 seperti saranan KPT dalam kenyataan media mereka?</p>	<p>Pihak pengurusan tertinggi UiTM telah mengadakan perbincangan lanjut bersama KPT; sebaik kenyataan media KPT dikeluarkan sebelum memuktamadkan pindaan kalendar akademik UiTM.</p> <p>Pihak UiTM telah mengambil kira semua aspek termasuk cuti perayaan Aidil Fitri, Pesta Keamatan dan Gawai. Ini boleh di lihat di dalam kalendar Akademik UiTM yang baharu.</p> <p>Lagi pula, dengan 22 minggu perkuliahan untuk semester ini, UiTM memberikan banyak masa kepada pelajar dan juga pensyarah untuk menyesuaikan diri dalam penggunaan ODL.</p> <p>Kenyataan media KPT turut menyarankan setiap IPT mengambil langkah mengawal pergerakan pelajar pulang ke kampus untuk mengelak kesesakan.</p> <p>Perbezaan kalendar akademik setiap IPT adalah mengikut keunikan IPT masing-masing.</p>

Penghargaan kepada:

Seluruh Ahli Mesyuarat JAF ACIS

Prof Dr Farida Zuraina Mohd Yusof, Dekan Fakulti Sains Gunaan

Prof Madya Ir Ts Dr Juliana binti Johari, Ceng, Dekan Fakulti Kejuruteraan Elektrik

Prof Madya Dr. Hj. Ahmad Mazli Bin Muhammad, Dekan Akademi Pengajian Bahasa (APB)

Semua Dekan-dekan

Dan semua yang membantu menyediakan dokumen ini



*Jaga diri, jaga kesihatan, banyakkkan berdoa dan kekal positif.
Di sebalik kesukaran, pasti ada kemudahan.*

Sekian. Terima kasih.

Salam hormat

PROFESOR MADYA DR. NURHIDAYAH MUHAMMAD HASHIM

Dekan
ACIS

Bertarikh: 09 April 2020

TAMAT